




A. XIII. 8




Nova-Tacina. Liter. -

937.  
1







Henrici Nicolai

1. Oratio de Protervia quadam Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



D. O. M. A.  
*Miscellaneorum*  
DECADIS I.  
EXERCITATIO VI.  
DE

*Adh 8*

# DEI IMMUTABILITATE

Pneumatica & Scholastica,

Disputatorij exercitij loco  
in

Gymnasio Gedanensi  
proposita  
*Præsides*

HENRICO NICOLAI

Philos. Mag. & ejusdem Professore  
Ordinario

*Respondentis locum tenente*


CAROLO RAMSÆO,

Elbingensi Borusso.

*Ad diem 28. Novembr. S. N.*

In Auditorio Philosophico

Horis ab 7. matutinis.



Gedani. Typographo GEORGIO RHETIO ex-  
scripta. ANNO 1635.





**VIRO**

*Magnifico, Nobilissimo atq; Amplissimo,*

**DOMINO**

**Dn. ISRAELI HOPPIO**, Burgra-  
bio Regio Eminentissimo

*suxtim ac*

*Nobilissimo Consultissimo Viro*

**Dn. MICHAELI Fuchs**

*Pro-consuli.*

*Deniq;*

*Viris Amplissimis ac Spectatissimis*

**Dn. SIGISMUNDO Meyenreiss**

**Dn. MICHAELI SIVERTO**

**Dn. MARTINO Richter**

*Senatoribus Inclytæ Reipub.  
Elbingens. gravissimis.*

*Dnmm. Patronis ac Fautoribus suis singulari  
animi devotione suspiciendis*

*submisit & reverenter*

*sacrum esse vult præsens  
exercitium.*



**CAROLUS RAMSÆUS Respondens**



## I.

**N**on ed nos in numero viventium positos  
 esse putemus, ut cibos & potus percolemus: ut hoc  
 corpus casurum ac fluidum, periturumq̃, nisi sub-  
 inde impleatur, farciamus: acriq̃, ministri & mortem ti-  
 mentes degamus, cui omnes destinamur: Sed ut animo su-  
 pra humano erecto cum affectibus colluctemur, portenta  
 vincamus, & dissimiles deterioribus quotidie evadamus.  
 Præterea, ut in interiorē naturā sinum reductā mentem,  
 inter sydera vagaturam, divitum ridere pavimenta facia-  
 mus: totamq̃ cum auro suo terram, & illo quod egescit, &  
 quod in occulto posterorum servat avaritia, perscrutari sti-  
 mulemus. Sed & misso exiguo terreni claustrī spatio, quod  
 puncto est simile, in ingentium spatiorum, quæ fursum sunt,  
 possessionem animus est admittendus: Quippe qui hoc argu-  
 mentum divinitatis suæ habet, quod illum divina oblectent:  
 nec illis ut alienis, sed ut suis interesse desideret. Illic demum  
 discit, quod diu quæsiuit: Illic incipit Deum nosse, quid sit,  
 qualis sit, & quā ratione se habeat. Hoc nos, posteaquam  
 Physica & Metaphysica viridaria ex parte perlustravimus,  
 jam ex Pneumaticis occupare præsentē disceptatione conabi-  
 mur: visuri, qui attributum illud eminens, quod Deo no-  
 stro tribuimus, immutabilitas, in ejus essentiā se habeat, &  
 à contradicentium tum exceptionibus, tum oppugnationibus  
 vindicaturi.

2. Immutabilitas dupliciter sumitur 1. Privativè, pro eo,  
 quod non mutatur, etsi mutari aptum sit. Sic Deus non est  
 immutabilis, sed quodvis creatum: 2. negativè, quod nullā



prorsus ratione mutari potest. Sic est. Potestq; sic definiri immutabilitas attributum Dei absolutum, quo in seipso semper idem permanens verè & ex sese à nullo immutari potest. Dicitur I. verè, ut excludatur immutatio apprensens, ut cum Deus ab irâ precibus flectitur ad misericordiam, sceleribus à gratiâ ad iram & furorùm, est mutatio apprensens, non vera ex parte Dei. Sic cum volebat excindere Israëlitas, sed precibus Moysis flexus miserebatur eorū. Exod. 32. v. 14. 2. ex sese, ut excludantur ea, quæ per gratiam creationis a recreationis sunt immutabilia. Sic angeli sunt immutabiles in essentiâ, sed per gratiam creationis: homines resuscitati à mortuis erunt immutabiles & incorruptibiles, quippe conformes glorioso corpori Christi, Phil. 3. v. 21. Sed per gratiam resurrectionis. Solus Deus per sui ipsius naturam & essentiam est immutabilis, non ex dono gratia aliena. Hanc immutabilitatem Deo inesse, assumendum potius Christiano esset, quàm operosè probandum. Faciunt tamen dissentientium cavillationes, de quibus th. II. 12. ut uberiori circa eam probatione defungi necesse sit.

3. Probatur ergo ista immutabilitas, i.e. & essentia, & attributorum, & actionum DEI simplex & invariabilis firmitas, cum scripturâ, tum naturâ, tum Veterum & Christianorum & gentiliū saniorum autoritate. Scriptura dicta sunt vel Veteris vel N. Testa. Et utraq; vel de immutabilitate essentia, vel attributorum & actionum agunt. Proferemus singula distinctè & pro proprio scopo.

4. Ex Veteri Testam. pro immutabilitate essentia Dei faciunt hæc dicta. Exod. 3. v. 14. Psal. 102. v. 29. Malach. 3. v. 6. Ex. N. T. Rom: I. v. 23. I. Tim: I. v. 17. Jac. I. v. 17. Ex quibus locis sic concluditur: Cujus essentia ita se habet, ut sit quæ sit simpliciter & absolute, ut eadem permaneant, & in eo opponatur creaturis, quod veterascere, ut illa, non possit, ut

nom



non mutetur, ut sola sit ἀφθαρτος, incorruptibilis, ut 1. Tim.  
1. dicitur, in quâ non sit παραλλαγή, ἢ τροπὴ ἀποστολῆς, *transmutatio aut vicissitudinis obumbratio, ut emphaticè lo-*  
*quitur Jacobus c. 1. ejus essentia simpliciter est immutabilis.*  
Dei essentia est talis per dicta allegata. Ergò. &c. Nec mul-  
tum obest, Exod: 3. haberi futurum, Ero, qui ero, non præ-  
sens; ut respiciatur magis immutabilitas promissionum, quàm  
essentie, ut ex Brentij notis ad h. l. reponit Smalcus c. Ra-  
vensp. p 17. & c. D. Franzium d. 1. p. 2. Nam omne futu-  
rum fundatur in suo presenti, præterita enim & futura veri-  
ficantur propter præsentia, ut rectè Logici ajunt, V. Arist. d.  
interp. c. 3. Et si promissa Dei sunt immutabilia, utiq; &  
veritas talis: & quæ omnium horum velut fundamentum,  
essentia. Promissa arguunt bonitatem: bonitas veritatem,  
veritas unitatem, unitas essentiam & quidditatem.

5. Pro immutabilitate attributorum, ut intellectus, vo-  
luntatis & similium hæc faciunt dicta. Psal. 115. v. 3. Psal. 135.  
v. 6. Esai. 46. v. 10. Rom. 9. v. 19. Unde sic insertur: Cujus  
voluntas, quidquid vult, efficit, tota fit, & nihil ei resistere  
potest, ejus voluntas à nullo mutari potest. Dei voluntas est ta-  
lis per dicta. Ergò &c. Rursus: Cujus voluntas est immutabilis,  
ejus & intellectus talis. Non enim voluntas mutatur, nisi in-  
tellectus objectum mutandum esse exante ostendat & sua-  
deat. At Dei voluntas talis. E. & intellectus. Idem de cæte-  
ris attributis habendum, quæ reipsâ idem cum voluntate &  
intellectu, ut potentiâ, bonitate, &c. ut ostensum d. 4. r.  
9. 10.

6. Actiones, decreta, consilia Dei esse immutabilia his  
dictis probatur. Num. 23. v. 19. 1. Sam. 15. v. 29. Job. 33. v.  
14. Psal. 33. v. 11. 89. v. 34. 35. Psal. 111. v. 7. Prov. 19. v. 21.  
Esai. 14. v. 24. 27. c. 46. v. 10. Tob. 3. v. 21. Rom. 11. v.  
29. Hinc sic concluditur: Cujus actus sunt tales, ut eorum nun-

quam subeat pœnitentia, in æternum persistant: ut nunquam  
mentiatur, aut vanus fiat, non irritafacias edicta sua, fide-  
lia & confirmata in seculum, in veritate facta edat, à nullo  
inhiberi possint, non disceptet de semel sanctis, donorum  
nunquam pœniteat, illius actus sunt immutabiles. Dei actus  
sunt tales, per dicta. Ergò. Excipis Vorstius ad hæc not. ad  
disp. 3. p. 195. & not. ad d. 6. t. 34. 35. p. 365. Hypotheticam  
immutabilitatem hinc oriri, quâ, quod semel placuerit Deo  
decernere, nunquam postea mutetur, quo modo & ordine  
fuit à Deo decretum: non absolutam & simplicem, sic enim  
actio Dei libera i. e. à liberâ causâ pendens cum ipso Deo con-  
funderetur, & essentia & volitio Dei unum & idem esse  
affirmaretur. R. Omne hypotheticum, si verum est, fundatur  
in suo absoluto. Et hinc, si decreta Dei sunt immutabilia hy-  
potheticè, oportet aliquid absolutè esse immutabile, in quo i-  
sta fundentur. Hoc est essentia & voluntas divina. Ita ergò  
Scriptura & consilia Dei immutabilia dicit, ut locis citatis:  
& rationem istius immutabilitatis adjungit, quia nempe ab-  
solutè Deus sit, qui non mutetur, & apud quem non sit  
vicissitudo aut obumbratio. V. t. 4. Et sic ut absolutè Deus  
est, sic & absolutè immutabilis, & in essentiâ & proprietati-  
bus, quod largitur Vorstius, Vid. t. 10. & in actionibus. Va-  
let enim hic illud vulgatum: Modus operandi sequitur  
modum essendi. Vbi essentia infinita, immensa, immuta-  
bilis, ibi & operatio talis, s. sit interna, s. externa. Quâ hoc  
cum summâ Dei libertate consistat, dicetur th. 23. 24.

7. Ita fuerunt dicta scripturæ: succedunt rationes im-  
mutabilitatem Dei confirmantes. I. A purâ DEI actualita-  
te. Omnis actus purus, nihil includens potentia passivæ, est  
simpliciter immutabilis. Nam mutationis radix est potentia  
passivæ. Ideò enim quid mutatur, quia est in potentiâ passi-  
vâ ad aliquid acquirendum. Et ideò omnes creatura sunt mu-  
tabi-



*tabiles, quia esse suum non per se, sed per potentiam recepti-  
vam ab alio habent. At Deus est actus purus. Nam quidquid  
à seipso & simpliciter independens est, est actus purus. At  
Deus talis: Nam nec ab ullo esse suum accepit, nec ab ullo in  
conservari aut operari dependet, est enim ens primum. Ergò.  
Excipit Vorstius not. ad disp. 3. p. 196. negando, Deum ab  
amni omnino potentiâ liberum esse. Nam ad ea omnia, quæ  
libera ejus voluntati subjacent, tam diu esse in potentiâ, quàm  
diu ipsa volita spoliùs volibilia non velut actu. In Sch. ale-  
xic. Lubb. §. 1. p. 13. addit, fuisse in potentiâ ad hominem,  
mundum, &c. faciendum. Nec enim ab aeterno fecisse. Actum  
purum ad nullam rem esse in potentiâ, valere de actu natu-  
rali, non voluntario, & operandi ad extra. R. Esse in po-  
tentiâ ad aliquid ambigüe dicitur. 1. imperfectè & deficienter,  
ut notet viam à defectu ad perfectionem, à potentiâ micrè  
passivâ ad actum, quo careas & cujus accessu perficiaris, adeo-  
quæ egeas aliquâ perfectione, nec ullo modo eam habeas: ut  
primò sis velut otiosus aut torpidus: post incipias actu velle  
aliquid: demum agas. Sic homo primò torpet, & caret ambu-  
latione ut perfectione aliquâ: post vult ambulationem, ultimò  
ipso actu ambulat: Talis potentia Deo non potest compete-  
re, est enim Entis torpidi, & velut veterno occupati, quod de  
Deo cogitare impium: Nec caret Deus illâ perfectione rei ali-  
cujus, cujus accessu in se perficiatur, sed omnem perfectio-  
nem virtualiter eminenter in se continet. Unde accedente  
creatione, predestinatione, nihil nova perfectionis ipsi infer-  
tur, quia illæ actiones in creaturis terminantur, non creato-  
re. V. th. 15. 2. perfectè & eminenter, ut notetur ordo ratio-  
nis, quo unum distinctè concipitur succedere alteri. Ita Deus  
in potentiâ ad liberum actum dici potest, non ac si primò sit  
otiosus, post incipiat velle: sed quia in perfectissimo actu à  
nobis unum concipitur liberè succedere alteri, cum in re, &  
iden-*

*dentice omnia sint unum cum simplicissima essentia Dei, quæ summè est necessaria. Conf. Becan. p. 1. Th. Sch. c. 10. q. 2. c. 11. q. 10. Valent. T. 1. d. 2. q. 1. p. 1. §. 28. Sic Deus in potentia ad actum liberum dicitur, non passivè, sed activè: & in re potentia simul cum actu est, etsi à nobis unum distinctè post aliud concipiatur. Sic velle prædestinare homines, est actus liberrimus in Deo. Et tamen ante facta mundi fundamenta dicimur electi, Eph. 1. v. 4. E. & voluit eligere ab æterno. Sic præordinavit sapientiam spiritualemente ante mundum 1. Cor. 2. v. 7. Gratia data ante mundum, 2. Tim. 1. v. 9. Christus prævisus ante fundamenta mundi. 1. Pet. 1. v. 20. Concedente Vorstio in Sch. alex. Lubberti p. 66. §. 22. quanquam non satis rectè explicante. Ita Deus quacunque voluit, ab æterno voluit, non transeundo ab potentia torpidâ in actum, sed simplici actus ad sua objecta particularia determinatione. Sic Deus potest dici in potentia ad destruendum mundum, creandum novum cælum & novam terram, non ex merâ pot. passivâ transeundo ad actum, ut in nobis fit, quod mutationem infert: sed æternæ potentia activæ, quæ in Deo est; ad hoc vel istud objectum liberâ determinatione. Quæ determinatio in objecto facto mutationem infert: in actu agente, primò indifferentem libertatem, post specialem applicationem citra mutationem realem, prout ex th. 15. pluribus patebit.*

*8: 2. A summa primitate & perfectione DEI. Ens simpliciter primum & perfectissimum, simpliciter est immutabile. Nam quod absolutè primum, nulli subjacet. At quod nulli subjacet, à nullo inferiori mutari potest. Et quod est ita primum, ut simul sit perfectissimum Ens, neq. se ipsum mutare potest. Mutaret enim se vel in deterius, & sic non maneret perfectissimum: vel melius, & sic non esset perfectissimum; Quorumq. utrumq. à Deo est alienum: vel in simile: at nihil*



*hil in idem mutatur, vel simile, nisi mutandum deterius sit eo, in quod mutatur. Quod de Deo cogitari non potest. Mutatio enim inferi imperfectionem ab eo, quod non inest, ad acquirendū id, quod inesse debet. Ergo Deus nec à se, nec ab alio mutari potest, & sic absolute est immutabilis. 3. Ab omnium modorum mutationis remotione. Si Deus est mutabilis, aut mutabitur quā existentiam, ut modò sit, modò non sit: & hoc non, quia est ipsum primum existens, Exod. 3. v. 14. quod non potest non esse: in seculum seculi ab aeterno persistens. Psal. 90. v. 2. cuius anni numerari nequeunt, Job. 36. v. 26. Aut quā accidentia, quantitatem vel qualitates: At est simplicissimum quid, compositionis ex subiecto & accidenti non capax. V. d. 4. t. 9. 10. Aut quā locum, ut ex uno loco mutetur in alium. At est infinitus & immensus, omnibus locis praesens. Psal. 139. v. 7. 8. Jer. 23. v. 24. Aut quā cognitionem, vel ut nunc putes verum, quod antè falsum crederat: At hoc ex ignorantia & non satis exactā rerum notitiā provenit, quae in Deo locum habere nequit, omnia enim aperta sunt oculis ejus, & est omniscius. Hebr. 4. v. 19. 2. Chron. 16. v. 9. Syrac. 23. v. 28. c. 42. v. 19. 20. vel ut novam rei cognitionem sibi adsciscat, quam antea ignoraverit: At omnia novit. Job. 28. v. 24. c. 38. v. 36. 37. 1. Joh. 3. v. 20. Aut quā decreta & placita voluntatis, ut nunc decernas aliquid facere, quod ante decreverat non facere. Tot enim modis res aliqua mutari potest. At nec hoc Deo competit: evenit enim ex inconsulto actu & temeritate, ut prius decreta mutare cogamur. At Deus consultissime omnia agit. Vnde magnus consilio, Jerem. 32. v. 19. nullius consilio indigere, Syr. 42. v. 22. nec rescindere decreta, Num. 23. v. 19. secundò de factis non consultare dicitur. Job. 33. v. 14. Et si Deus mutat priora decreta, aut praecognovit se mutaturum ea, aut non. Si praecognovit, E, inconstans & imprudens erit, quod prius*

sancitum mutet, & aliud convenientius substituat. Si magna incogitantia & imperfectio intellectui divino inferetur, qua ab illa longè removenda. Si non præcognovit, E. scientia Dei non erit omnium, sed quorundam tantum, contra Syrac. 23. v. 29. c. 42. v. 19. 20. E. Deus planè & in decretis est immutabilis, & consequenter omni ex parte est immutabilis. Conf. Durelleum c. l. p. 205. 206.

9. Fuerunt rationes pro immut: DEI: Sequuntur Testimonia. Hæc vel Judæorum, vel Christianorum, vel saniorum gentilium. Ex Judæis Philo Judæus librum conscripsit, cui titulus,  $\delta\tau\iota\ \alpha\tau\epsilon\pi\tau\epsilon\lambda\epsilon\upsilon\ \tau\omicron\ \theta\epsilon\omicron\upsilon$ , ubi multis sententiam eorum, qui mutationem Deo inferunt, confutat. Rambam, sc. Rabbi Maimonides in libro, cui titulus, doctor perplexorum, multis probat, nullum mutationis modum in Deo locum habere. Ex Christianis omnes Patres Veteris Ecclesiæ immutabilitatem DEI probârunt. Justinus, Theophilactus, Hilarius, Arnobius, Ambrosius, Athanasius, Isidorus Pelusota, Euthymius, Fulgentius, Origenes, P. Damjanus, Augustinus plurimis in locis, ut d. nat. bon: c. 24. l. i. d. Trin. c. i. proëm. l. 4. d. Trin. l. 5. d. tri. c. 2. l. 22. d. C. D. c. i. l. 9. c. 22. T: 3. d. gen: ad lit. l. 8. c. 20. 21. 22. 26. T. 6. con. Maximin. l. 3. c. 12. Hierony. T. 6. in Amos c. 9. T. 9. in ep. ad Gal: c. i. Verba eorum brevitatæ gratiâ partim ap. D. Gerhard: c. l. partim apud Zanchium F. 2. Op. l. 2. d. Na. Dei. c. 4. q. i. partim apud Durelleum c. l. p. 206. seq. videri possunt. Conferatur & tractatus Theodoretî, quem inscripsit,  $\alpha\tau\epsilon\pi\tau\epsilon\lambda\epsilon\upsilon$ . Veteres eleganter dixerunt: DEVS ut non essentiam, sic nec mutat sententiam, referente D. Meiss. d. 16. Ant. t. 47. q. i. Idem Deum  $\tau\omicron\ \epsilon\upsilon$  &  $\mu\upsilon\omicron\alpha\delta\alpha$  dixerunt,  $\alpha\pi\omicron\ \&\ \mu\epsilon\upsilon\epsilon\iota$ , quod cæteris in corruptionem tendentibus  $\alpha\upsilon\tau\omicron\ \mu\omicron\ \&\ \mu\epsilon\upsilon\epsilon\iota$ , ut ex Coel. Rhodigi: narrat Durelleus c. l. Ex Gentilibus immutabilitatem DEI propugnant Aristote-



Itoteles 8. Phy. c. 5. t. 44. c. 6. t. 46. 50. 52. l. I. d. cœl. c. 3.  
 t. 22. c. 9. t. 100. l. 5. Eth. Nicomachi. c. 10. l. 12. Meta. c.  
 7. 8. l. d. mundo, (*si modò iste est Aristotelis, quod omninò  
 negant* Muret. l. 2. V.L. c. 8. Cœl. Rhodig. l. 24. ant. lect.  
 c. 3. *Aljg*) c. 7. Deum Anancen dictum sit, q. necessitatem,  
 quod natura quædam sit immobilis. c. 6. fatesur nullam cor-  
 rectionem aut varietatē admittere. Platonici. vocantes Deum  
 immobilem unitatem, ut ex Ficino li. d. immort. anim.  
 allegat Cl. J. Mart. l. 2. ex. Met. ex. 4. th. 14. & constat ex  
 Apuleji libro d. dogmat. Platonis. Plato ipse, dial. 2. d. Rep.  
 p. 80. Plutarch. l. d. Ei. ap. Delph. Senec. l. 6. d. benef.  
 c. 23. Statuerunt Dij, ait, quæ non mutarent. Nec unquam  
 primi consilij Deas pœnitet. Apulej. d. Deo Socr. c. 3. Viva-  
 citas apud Deos æterna & indefecta, hic caduca & subcisiua.  
 Sic & alij passim saniores ex gentilibus.

10. Ex ipsis Adversarijs quædam testimonia huc faciunt.  
 Ut Vorstij, concedentis divinam essentiam & attributa in-  
 terna simpliciter esse immutabilia, dis. 3. d. Deo. t. 4. not. ad  
 dis. 3. t. 4. d. 6. t. 34. notis ad dis. 6. t. 34. 35. exeg. apol. c.  
 II. schol. alexic. ad com. Lubberti §. 10. 20. 22. Catal. er-  
 ror. Lub. §. 20. Volitionem tantum seu actum ad extra ten-  
 dentem & ad cetera objecta se liberè determinantem esse con-  
 sistentem & indifferentem, adeoq. tam abesse posse à Deo,  
 quàm adesse. ex. apol. c. 10. II. cat. er. Lub. §. 20. scho. a-  
 lexic. §. 10. Quod sic explicat in amic. collat. f. 4. Actum  
 divinæ voluntatis integrè juxta objectum suum adæquatum  
 spectatum semper esse invariabilem: etsi objecta ejus parti-  
 cularia in eventus, executione, variè mutantur. f. 12. addit,  
 non magis ex istis eventibus varijs mutari decreta Dei in se-  
 se, quam columna immobilis in se moveatur, si per nostrā  
 conversionem sinistra vel dextra nobis efficiatur. Contra Sla-  
 dum par. 2. p. 134. non totam Dei voluntatem, sed partem

ejus à conditione pendentem esse mutabilem ait, sed mutatione apparente & figuratâ. p. 135. potius videri ait istas species voluntatis in conditionibus mutabiles esse: quàm esse. p. 136. synechdochicè dici ait, ipsam voluntatem mutari, cum pars aliqua conditionis mutatur. Nec enim istam partem seorsim acceptam esse integram voluntatem, quæ semper etiam in conditionatis maneat immutabilis. Hoc ex Etsi. I. v. 19. illustrat. p. 136. 137. ait, non sic prorsus immutabilem esse voluntatem divinam, ut essentia sit: etsi aliàs verè sit immutabilis. Ita comparativè & discretivè se mutabilitatem voluntatis diu. intelligere, quod voces, catenus, quatenus, aliquo modo, tropum indicantes, satis ostendant. p. 116. 117. negat, actiones Dei externas liberas subjacere propriè dictæ alterationi, sed tropica & catachrestica: esse solam liberorum ætuum variationem: Voluntatem divinam esse principium alicujus mutabilitatis, i. e. vertibilitatis ad opposita, seu arbitraria libertatis, & indifferentiæ, quæ instar sit mutabilitatis. In dis. 6. r. 34. & notis ad h. l. concedit, se voluntas Dei mutari videatur, non in Deo esse mutationem, sed objecta & effecta voluntatis aliter & aliter se habere. In parasce. ad ami. coll. p. 2. c. 9. th. 3. negat, ex eo, quod homines ex uno ordine decretorum ad alium transeant, decreta Dei mutari. Immutabiliter enim pijs gratiâ parcentem, impijs iram punientem esse decretam. In amic. colla. f. 14. p. 49. sententiam quidem Deum mutare ait, integrè propositam. Nisi vel male intelligatur, vel per partes: vel absolute sumatur, quod conditionatum sit. Hæc & similia moderatam admitterent explicationem, nisi contrarijs hypothesibus & periculosis locutionibus everterentur, de quib. th. 12. Ex Photinianis Smalc. c. D. Frantz. d. 12. p. 428. ait, non nescimus, attributa Dei omnia esse infinites distincta ab humanis rebus omnibus. Si infinites distincta. E. non mutabilia, ut in hu-



*manis. Idem d. i. p. 2. ex Brentio ait, Voce Iehova potius voluntatis Dei immutabilitas indigitatur, quam essentia. Id. c. Graver. d. perf. Ch. p. 8. Natura mutabilis & immutabilis (divinam intelligit) nullo modo in unâ personâ uniri possunt. Bebeln. c. Keck. p. 2. c. 8. p. 132. Aeternum duplex est, ait, id quod potest semper esse, & id quod semper est absq. potentiâ. Necesarium hoc: illud contingens est aeternum. Si Deus necessarium ens, & aeternum absq. potentiâ, & immutabilis est. Socinus def. animad. asl. i. c. 4. p. 2. §. I. p. 62. Deus est naturâ immortalis, aeternus, & immutabilis. Arminiani Deum in seipso semper invariabilem omnique modo immutabilem concedunt. In Confess. c. 2. th. 6.*

*11. Ita vera sententia confirmata: Ei oblectantur pluri mi dissentientes, partim Veteres, partim recentiores. Ex Veteribus immutabilitatem Dei negârunt. Secundinus Manichæi discipulus apud Augustin. T. 6. col. 529. Almaricani, statuentes Deum esse animam cœli, & sic mutationem ei inducentes, ap. Lutzenburg. in Catal. hæret. tit. Almaricani. Almaricani cum Almarico, circa an. 1204. qui ideas in mente divinâ & creare & creari posse statuebant, ap. eundem c. l. & Gaulterium Chron. Ecclesiæ, sec. 13. p. 684. Fitq. istius Almarici mentio in Jure Canon. decret. Greg. I. I. t. I. c. 2. Antropomorphita, humanam figuram & affectus Deo attribuentes. Quibus consensuunt Mahometistæ, ap. Lutzenburg. c. l. voce Mahom: & Chavasf. I. I. d. not. rel. c. 4. th. 3. Apollinarista, verbisf. λόγος aliquid in carnem conversum, & mutatum dicentes, ap. Augustin in de hæres. Ariani quidam, Deum patrem non semper fuisse dicentes, ut Aithalis, Carponius, Sarmatus quidam & alij in hist. tripar. I. I. c. 13. Quidam David de Dinanto, qui Deum fecit materiam primam, & sic summè mutabilem, ap. Thomam p. I. q. 3. ar. 8. Quidam Alexander Epicureus Phi-*

isophrus idem sentiens, ut ex Alberto M. narrat Perer. l. 3. Phy. c. 12. & Hermogeniani materiam Deo, non natura comparantes, ap. Lutzemb. c. l. tit. Hermogeniani. Eunomiani Deum inscientiâ fecerunt mutabilem, dicentes, nihil eum de suâ substantiâ novisse amplius, quam nos. Lutzemburg. c. l. tit. Eunomiani. Gnostici animam naturam DEI dicentes ap. eund. c. l. tit. Gnostici. Albanenses Deum non prascire ex se aliquod malum dixerunt, sed per adversarium suum Diabolum. Gaultier. c. l. p. 574.

12. Ex Neotericis immutabilitatem Dei subvertit Vorstius varijs modis. Disputat quidem, Dei essentiam & affectiones, & voluntatem ad intra spectatam absolute esse immutabiles: V. t. 10. Interim varijs in locis tales fovet hypotheses, cum quibus immutabilitas Dei vix consistere poterit. D. 6. d. Deo th. 36. ait, quædam Deum in tempore re ipsâ velle, quæ antea in specie nolueris, vel definite velle aut non velle, quæ antea definite nec voluerit, nec noluerit. Sic non velle jam eum cultum, quem in V. T. voluerit: nunc velle generalem gentium vocationem, quam olim noluerit. Eadem repetit in not. ad d. 6. t. 36. 37. p. 366. Eodem locot. 34. 35. ait, Voluntas Dei ad extra quia libera est & vertibilis ad opposita, ideo & mutabilis esse videtur. Et post: Quæ sub conditione vult Deus, vel quæ fieri tantum desiderat, vel quæ etiam fortassis indefinita relinquit, in ijs aliquo modo mutabilis est Dei voluntas. Not. ad dis. 3. p. 189. 194. ait, Deum habere in se principium alicujus mutabilitatis, liberam voluntatem. p. 190. disputat, multa in Deo dari decreta reverâ inter se diversa, aliud & aliud in Deo esse, nempe subiectum & accidens, agens & actionem. Cum excipitur, nostro intelligendi modo illa diversa esse: in Deo unum simplex quid esse, reponit p. 191. om. sanam rationem reclamare, quæ nullo modo concedat, idem esse sui ipsius causam, effectum,



*Enim, subiectum, aut correlatum aliquod. Similia repetit in*  
*parasc. ad Piscator. p. 2. c. 5. amic. collat. cum Piscat. f.*  
*38. exeg. apologet. c. 10. Schol. alexic. ad Comm. Lub-*  
*berti §. 10. 20. 22. resp. c. Sladum p. 2. p. 126. & 34. ar-*  
*gumentis ad calcem libri istius confirmat. p. 192. d. attri-*  
*diu: negat axiomata illa simpliciter vera, in Deum non ca-*  
*dere ullam diversitatem aut compositionem: Nullum in Deo*  
*accidens esse: Quicquid in Deo est, esse ipsum Deum. Et repe-*  
*tit c. Sladum l. c. p. 125. 126. & Catal. erro. Lubberti §.*  
*20. 21. 22. 34. limitat ad ea, quæ Deo per naturam insint.*  
*Decreta verò & operationes liberas non per naturam neces-sita-*  
*tem, sed meram arbitrij libertatem inesse. p. 203. de attri-*  
*div. & in parasc. ad amic. collat. cum Piscat. p. 2. c. 5.*  
*exeg. apol. c. 12. in divinis tempus in genere acceptum s. Lo-*  
*gicum esse disputat, h. e. durationem præteritam, præsentem,*  
*vel futuram, idq. ex vocibus ante & post constare posse. At*  
*ubi tempus præteritum, præsens, & futurum, ibi mutatio. V.*  
*d. 1. t. 14. In Catal. Err. Lubberti §. 19. negat, à quo Deus*  
*dicatur qualis, illud ei essentiale esse. Nam & ab irâ gratiâ,*  
*potentiâ dici qualem, quæ tamen ei non simpliciter essentia-*  
*lia. Ibidem §. 20. disputat, nihil eorum, quæ Deus extra se*  
*velit, præcipiendo, prohibendo, promittendo, minando, &c.*  
*ad essentiam Dei pertinere. Sic voluntatem Dei esse sancti-*  
*ficationem nostram. 1. Thels. 4. fidem in Christum Joh. 6.*  
*Quorum neutrum ad esse Dei pertineat. Sic volendi actum*  
*ad extra tendentem Deo non posse esse essentialem, cùm sit*  
*indifferens, liber, contingens, varius, & multiplex, sæpè al-*  
*ter alteri oppositus, sic voluntas creandi, servandi, damnan-*  
*di, &c. Eadem habet in Schol. alexic. §. 10. & cum ipso*  
*Moscorou: c. Smigl. d. baptis. c. 3. p. 61. Citato loco th. 20.*  
*disputat Vorstius, non posse liberum voluntatis actum, ad ex-*  
*tra, planè necessarium esse, cùm objecta Deo necessaria non*  
*sint.*

sint. Si autem necessarius non sit, contingentem esse. Non posse enim necessarium & contingens in eodem esse. Nec illa in objectis tantum, sed & ipsis actibus differre. Nec posse circa objecta finita actum infinitum, nec circa varia planeq; diversa & contraria eundem specificum & singularem actum, præsertim merè voluntarium, exerceri. §. 22. ait, decreta Dei ab æterno facta esse: sed essentiam neminem sanum factam esse dicere posse. Vnde diversitas eluceat. Ibidem decreta Dei vera accidentia generalia esse ait: & §. 10. Dei essentiam verè ac realiter, imò essentialiter ab actionibus liberè diversam esse statuit. Hac & similia, quæ passim in scriptis Vorstij occurrunt, immutabilitatem Dei non parum labefaciunt.

13. Vorstio succenturiantur Phoriniani, varijs hypothesibus Dei immutabilitatem evertentes. Actiones & facultates Dei esse ipsum Deum negando. Bebelno c. Keckerm: p. 1. c. 3. p. 26. 27. Proprietates naturæ comitantur essentiam. Essentia rei dat esse. Et post: Numero eadem futura Dei posse & velle ait, si posse est Deum esse: tum & velle. Similia habet c. 2. p. 23. c. 5. p. 71. Smalcus inter errores Smiglecij err. 2. præf. libri d. err. Arian. numerat, asserere, quidquid in Deo est, Deum esse. Idemq; verum esse negat c. Smigl. de Diu. verbi. c. 2. p. 8. Et cum eo Moscorovius ref. appendic. ad nou. monst. p. 26. & l. de baptis: c. 3. p. 60. Cum Vorstio quedam accidentia in Deo ponendo, quæ nempe à liberâ ejus voluntate pendeant. Smalc. d. diuj. ver. p. 8. 9. Moscorou. c. 1. p. 27. & l. d. bapt: c. 1. p. 61. 62. 63. Vbi Decreta Dei effecta ess: divina facit: At nihil prorsus idem sui esse effectum, ut nec causam. Id. p. 28. appendic: ait, opus liberrime voluntatis Dei, ut caritas, nequaquam per naturam Deus est. Smalc. c. Grau. d. perf. Chr. p: 14. rectè dici negat, potentiam divinam esse ipsam essentiam, cum potentia



communicari possit, essentia non. Cum regio jussu Vorstij li-  
bri de Deo & attr. diu. publicè in Angliâ essent exusti, ma-  
lè id habuit Photinianos, ut ex Reuchlinij paranesi ad Ca-  
saubonum Anno 1614. editâ videre est. Vnde eos hoc in  
sertio à sententia Vorstij non alienos esse constare potest. 2. Deo  
futurorum contingentium scientiam negando. Socinus præl.  
c. 8. 9. 10. 11. Smalc. c. D. Frantz d. 12. p. 428. 429. seq:  
Stegm: in probâ c. 3. p. 222. 223. 3. Deo tempus & fluxum  
per præsens, præteritum & futurum tribuendo. Socin. c. 8.  
præl. Bebeln. c. Keck. p. 2. c. 8. 4. Christum verû Deum es-  
se, & à patre in tempore per exaltationem factum, potesta-  
tem ei in tempore datam, & aequalem patri factum asseren-  
do. Smalc. c. Smigl. d. err. Ar. 1. 1. c. 6. 1. 2. c. 3. & exam.  
100. err. p. 6. 12. Sic aperta mutatio per dationem in tem-  
pore vero Deo inferitur. 5. Deum certos homines nominatim  
prædestinasse negando, sed tantum genus quoddam hominum  
elegisse. Socin. prælect. c. 13. Stegman. in proba. c. 12. p.  
448. 451. Catech. Racou. p. 295. Ita certitudinem electio-  
nis cujusq; in specie ex eventu demum Deus metietur, quod  
non negat c. 1. Socinus p: 61. 65. & sic in cognitione muta-  
bilis erit. 6. Electionē divinam mutabilem dicendo, & ele-  
ctos perire posse affirmando. Socin. in libel. suas: p. 13. lib.  
d. offic. hom: Christ: c. 11. & c. 13. præl. p. 61. 64. Vbi &  
inter electionem firmiorem & infirmiore distinguit. p. 62.  
& p. 71. scriptos in librum vitæ deleri posse affirmat. Photi-  
niani consentiunt Arminiani, decreta Dei libera fatentes  
mutabilia cum Vorstio, Armin. c. Penkins. f. 195. Episcop.  
d. D. volunt. th. 7. 21. Vt ostendit pluribus Peltius harm.  
Rem: & Phot: p. 11. Iræ, timorem, pœnitentiam & simi-  
les affectiones proprio sensu Deo inesse statuentes, ut de Gre-  
vinghorio ostendit Amesius refcr. c. Greu. p. 1. c. 2. p. 15. Ele-  
ctionem incompletam & non peremptoriam, ut ipsi loquun-  
tur.

est, esse mutabilem & per se interrumpi. dicendo, ut habet  
Alsted. Th. Pol. p. 6. q. 6. Merita humana movere propriè  
voluntatem Dei ad decernendum hoc aut illud. V. Amesium  
in scrip. synod. d. præd. c. II. §. 4. Immutabilitatem Dei  
labefactat & Huberus, electionis mutabilitatem & electos  
perire posse docens, quod ex doctrinâ de propriè dictâ univer-  
sali electione omnium ad salutem necessario consequitur, de  
quo Vid. D. Meisn. d. 16. Antro. q. I. t. 59. Photinianî no-  
stris eundem errorem mutabilitatis & partibilitatis Dei at-  
tribuunt ex dogmate de generatione aternâ filij Dei. Mo-  
schorou. c. Smiglec. d. bapt. c. 9. p. 198. Smalc. c. Smigl.  
d. diu. nat. Verb. c. 3. p. II. 12. c. 28. p. 169. l. 2. d. err.  
Arian. c. 17. d. perf. Chr. c. Grav. p. 19. c. Francium dis-  
I. p. 3. Socin. anim. ad art. Posn. afs. 2. n. 3. & def. ani-  
madv. asl. I. c. 4. p. 3. §. 12. & in lib. suafor. p. 34. Be-  
belno c. Keck. p. 2. c. 8. Crell. l. 2. d. un. Deof. 2. c. 3.  
Ostorod. Inst. c. 7. §. I. Vt & ex dogmate incarnationis filij  
Dei. Smal. d. Verbi inc. nat. c. Smiglec. 25. p. 140. c. 28.  
p. 169. homil. 8. in c. I. Johan. p. 88. Socinus in c. I. Jo-  
han. v. 14. p. 40. & def. anim. c. I. p. 2. §. I. p. 66. *Quæ  
qui se habeant, ex resolutione objectorum patebit.* V. t. 17.  
18. Chavasius Iesuita l. I. d. not. rel. c. 4. §. 4. nobis iri-  
buit, quod Deum faciamus corporeum, adeoq. mutabilem,  
quod Lutherus Christum secundum utramq. naturam passum  
docuerit, idemq. nos defendamus: Quod propria unius natu-  
ra dicamus supposito convenire, non solum secundum ean-  
dem naturam, sed & aliam: ita, ut sicut Christus ut homo sit  
omnipotens, ubiq. præsens, sic & Christus ut Deus sit passus,  
mortuus, sepultus, &c. Quod Lutherus beatitudinem futuræ  
vitæ in voluptatibus corporeis posuerit: & ita Deum corpo-  
reum statuerit, sicq. mutabilem. &c. Sed hæc meras calu-  
nias esse alibi benè ostendunt Theologi. V. D. Gerhard.

exc.



exc. d. Per. Chr. §. 198. & T. 9. d. vit. et. §. 165. D. Brochm.  
L. C. d. Christo. c. 8. q. 9. c. 12. q. 1. Piscator not. ad  
coll. Vorstij p. 26. *ex distinctione voluntatis antecedentis  
& consequentis, absoluta & conditionata, à nobis labefactari  
immutabilitatem DEI asserit. Sed & hanc esse calumniam  
ostendit D. Gerhard. d. 9. d. glor. D. r. 80.*

14. *Fuerunt dissidentium sententiae: Videnda sunt  
brevibus potiora quadam argumenta, quibus fidem suis  
placitis asruere conantur. Dices: I. Deus in tempore fa-  
ctus est creator, gubernator, conservator, Dominus, Impera-  
tor, &c. creaturarum, cum ab aeterno non fuerit talis. Erit  
aliquando destructor creaturarum, cum non ab aeterno. Nam  
haec nomina involvunt respectum ad res creatas, quibus non  
existentibus nemo potest dici creator, dominus, &c. E. muta-  
tus est ab eo, quod ab aeterno non fuit, ad id, quod in tempore  
esse coepit. R. Varia hic responsio. 1. Quidam respondent,  
mutationem veram requirere subjectum praexistens, quod  
transeat ab uno termino ad alium. Hoc quia in creatione non  
est, creatura enim non praexistit, sed per creationem demum  
ex nihilo fit aliquid, negant in creatione esse veram mutatio-  
nem. Conimbric. in 8. Phys. c. 2. q. 1. ar. 3. Becan. p. 1.  
Th. Sch. c. 18. §. 4. Durelleus l. 1. Dialecticoth. c. 9. p.  
203. 2. Alij relationes in tempore Deo advenientes, ut esse  
creatorem, dominum, gubernatorem, &c. ex parte creaturae  
dicere relationes reales ajunt, ex parte Dei tantum rationis,  
& sic veram mutationem Deo inducere non posse. Esse enim  
entia rationis. Thomas p. 1. sum. q. 13. a. 7. D. Gerh. ex.  
T. 1. d. attrib. div. §. 154. D. Graver. p. 1. Au. Conf.  
ar. 1. c. 3. p. 119. Valentia T. 1. d. 1. q. 13. p. 2. 4.  
Suarez. d. 47. Met. s. 15. n. 17. ubi Cajetanum, Ferra-  
riensem, Capreolum, Bonaventuram, aliosq. pro hac sen-  
sentia citat. Fons. l. 5. Met. c. 15. q. 1. s. 5. 6.*

15. 3. Alij concedunt, & creationem mutationem dici, cum subjectum primo de novo fit, ut in creatione, qua dicitur mutatio contradictoria ab non esse ad esse. Scal. ex. 6. l. 13. Dn. Scheibl. l. 2. Meta. c. 3. n. 636. August. l. 5. d. trin. c. ult. & relationes illas in Deo, esse creatorem, Imperatorem, &c. esse reales: Non enim sunt meri conceptus omnino extrinseci, à nostrâ tantum cognitione & concipiendâ modo dependentes: prius enim Deus est creator, Imperator, &c. quam quisquam cogitet eum talem esse: & fundantur hæ relationes in verâ potentiâ creativâ, coercitivâ gubernativâ, &c. & actu creationis, imperationis. Sed negant, inferri hinc veram mutationem in Deo, quia non differant realiter istæ relationes à suis fundamentis, sed tantum ratione. Dicunt enim essentias suorum fundamentorum cum coexistentiâ novi termini fundamentis istis omnino extrinseci. Ita Nominales, Occamus, Gabriel Durandus, Gregorius, Marsilius, Anselmus ap. Suarez c. l. n. 16. Quos sequitur Mendoza d. 15. Meta. l. 2. §. 7. 19. nec abnuir Durelleus c. l. c. 7. p. 165. Et nihil inconveniens vel imperfectum ex hac sententiâ sequi in Deo fatetur Suar. c. l. n. 21. posse q. hoc modo defendi concedit Valentia c. l. Neq. magnopere stringunt huius argumenta contra istam sententiâ, quæ proponit c. l. Ex horum sententiâ aptissime ad argum. respondetur. Negatur connexio argumenti. Esse creatorem, dominum, &c. dicit relationem in Deo ex tempore, sed non infort mutationem. Tum enim res verè dicitur mutari, cum acquirit rem novam, quam antea nullâ ratione, nisi in potentiâ passivâ habuit. Sic mutatur materia, cum ex unâ formâ substantiali transit in aliam: Pannus, cum ex albedine transit in nigredinem. At creatorem, imperatorem esse, non dicit rem novam in Deo, ipsi Deo velut internè inherentem, sed tantum novum respectum ex re, quæ dudum fuit in Deo, & ipsius



istius respectus est fundamentum, à quo ipsa relatio non differt realiter: sed est ipsa res, cum connotatione rei vel termini coëxistentis illi. E. g. esse creatorem, gubernatorem, Dominum, non est nova res Deo in tempore superaddita: sed idem cum virtute creandi, gubernandi, dominandi, quæ ab æterno in Deo: tantum dicit respectum ad terminum extrinsecum ex tempore ei coëxistentem, creaturam gubernatam, dominatam, imperatam, &c. Qui terminus importat deinde vicissim respectum ad Deum, sed ex quo in Deo nulla est mutatio, sed ad terminum saltem relatio. Sic Dominum esse dicit potentiam & essentiam Dei, & creaturam coëxistentem cum dependentiâ ab illâ. Nulla hic nova res a. perfectio in Deo, nulla mutatio. Sic relationes similitudinis in albedine duorum parietum fundata nullam in eo pariete, qui similitis dicitur, faciunt realem mutationem, modò alter in albedine isti fuerit similis factus. Fundatur enim similitudo non in aliquo, quod ab albedine realiter differat, sed in ipsâ albedinis essentiâ. Sic Deus & creatura dicunt relationem causa & effectus, fundatam in ipsis essentijs Dei & creature, à quibus non differt realiter. Deus per suam essentiam est causa, eiq; nihil novæ rei in essentiâ accedit, adeoq; hic nulla mutatio: Creatura per suam essentiam est causatâ, & sic terminus relationi, quæ in Deo est, ab extra coëxistens. In hac est mutatio, propter novum esse, quod per creationem consequitur: In Deo nulla, quia ex creatione nullum novum esse in ipso, sed comparatio saltem vel respectus ipsius esse ad aliam rem de novo per actionem, quæ dicitur creatio, productam, oritur, quo esse divinum ad novam istam rem comparatur. Augustin: 5. d. trin. c. 16. urget exemplum nummi, qui diversis relationibus dicitur & pignus, & pretium, & merces, & donum: nulla mutatione verâ in nummo importatâ, Ita si quis in Africâ albus fiat, mihi similis in albedine

fiet, nullâ verâ mei mutatione positiâ, sed in illo, qui mihi al-  
bus factus dicitur. Nec similitudo albedinis inter me & illum  
mihi ullam novam rem internè superaddet: tantum compa-  
rationem vel respectum similitudinis in albedine utriusque  
fundatum. Ita relationes sine mutatione ejus, qui ad aliud re-  
fertur, inesse possunt, modò alterum eorum vel mutetur, vel  
etiam non mutetur. Vt ex Thomâ benè persequitur Arria-  
ga d. II. Log. f. 5. n. 19. In nonnullis creatis, ubi relationes à  
fundamentis differunt realiter, sequuntur mutationes. Sic in-  
ter patrem & filium. Vbi relatio in aliquo extremo non dif-  
feri realiter à fundamento, nec mutatio sequitur. Vt benè  
probat Mendoz. c. I. f. 2. §. 13. 14. Et concedere cogitur Sua-  
retz c. I. In Deo verò ita esse ex simplicitate Dei & sanâ ratio-  
ne præsumimus.

16. Vt clariùs dicta pateant, removenda sunt exceptio-  
nes quadam, quæ adversus ea, quæ dicta sunt, adferri posse vi-  
dentur. Veluti I. Creatio est vera actio, quæ Deo accessit in  
tempore, cum ab æterno in eo non fuerit; non sola ad crea-  
turam relatio. E. verè mutavit eum. R. Creatio est vera ac-  
tio, sed transiens, quæ terminatur in alio: non immanens,  
quæ in ipso agente recipitur. ( Quidam transeuntem appel-  
lant non formaliter, sed virtualiter, quia objectum non præ-  
supponit, sed efficit. Ames. l. I. med. Theo. c. 8. §. 3. Est lis  
saltem de voce, quæ faciliè componitur. V. Dn. Scheibl. 2.  
Meta: c. 3. n. 639. 640.) Transiens actio est propriè ab agente,  
non in agente. Non ergò veram mutationem inferre potest.  
Mutatur tùm res, cum forma nova in ipsam rem, quæ mu-  
tatur, introducitur. At creatione non inducitur forma in  
Deum, non enim in eo recipitur, sed in terminum & obje-  
ctum creatum. Hoc propriè mutatur ab non esse in esse: Deus  
dicitur creator, gubernator, imperator, &c. non denomi-  
na-



natione ab internâ novâ formâ sumptâ, sed externo termino extra Deum coëxistente: expositione nempe rei creatæ, vel actionis creatricis circa rem de novo creandam ab extrâ occupatâ. Ita creatio, quia in creaturâ mutat aliquid, mutatio dici poterit, sed in creato, ad quod terminatur: Emanante ab creatore saltem operatione creativâ, & in objectum creandum extrâ directâ. Conf. Conimbr. 8. Phy: c. 2. q. 1. a. 3. Adeundem modum, quo opera Dei non inferre compositionem Deo dicuntur, quia non sunt in Deo terminative, sed à Deo emanative. V. Schei. c. l. n. 631. Ita calorem dicimus visum, sonum auditum: denominatione extrinsecâ ab audiente, vidente, factâ, in quo est mutatio: nullâ soni, caloris, verâ mutatione admissâ.

17. Exciplies 2. Falsum est, actionem transseuntem non esse in agente. Omnis enim actio in agente est, quâ actio; sed in patiente est id, quod ab agente efficitur. Sic calefactio est in igne. Sed calor ab igne impressus est in aquâ. Induratio est in sole, ut actio: sed effectus indurationis in luto. Eruditio, verberatio, est in praeceptore, ut actio: Passiones sunt in discipulâ. Ita Vorstius in Sch. alex. ad com: Lubb: §. 10. p. 43. R. Actio transiens dicitur, quod transeat ab agente in patientem. Per hoc enim contradistinguitur immanenti, quod transeat ab agente in passum unâ cum suo termino, sicut immanens unâ cum eo manet in agente. Ut benè Morisani. d. 7. Phy. q. 4. Quæro, quid transeat in patientem, si ipse actus non transit? Vorstius dicit, effectum. At effectum non dividitur in immanens, & transiens, sed actio? Actionis ergo est transire. Nam in hac habitudo effecti ad causam non est esse in, sed esse ab. Calefactio, induratio, eruditio, verberatio, &c. at actiones sunt terminos suos connotantes, à quibus denominationes suas habent, in ijs sunt, quæ calefiunt, indurantur,

erudiuntur: ab ijs, quæ calefaciunt, indurant. Vis verberandi, calefaciendi, tanquam adjuncta sunt in agentibus: tanquam actiones in patientibus. Sic vis rotandi est in rotante: rotatio ab rotante, & in ipsâ rotâ. Sic Aristot. 3. Phy. c. 3. t. 22. ait, hujus in hoc, & hujus ab hoc actum esse, ratione diversum esse. Et facile patet: In quo est influxus agentis transeuntis, in eo est actio transiens. Nam actio est influxus in patiens. At iste influxus est in patiente. Nam quod mutatur, in eo est influxus. Sic lignum, domus, uritur. Ergo in eo ustio ignis. At patiens mutatur, v. g. discipulus, aqua, lutum. Ergo. Relatio agentis transeuntis ad patiens est in agente: Ipsa actio transiens formaliter in patiente. Plura V. ap. Cl. J. M. C. 2. d. 5. q. 2. Dn. Schei. l. 2. Met. c. 10. n. 46. 47. Suarez d. 48. Meta. l. 4. n. 6. 7. Conimbr. in 3. Phy. c. 3. q. 1. a. 1. 2. Morisan: c. 1. & alios Philosophos.

18. Excipies 3. Falsum est, creationem non differre ab suo fundamento in Deo realiter. Nam fundamentum creationis, vis creandi, vel essentia divina est æternum quid, simpliciter necessarium, ipse Deus: Creatio est in certo tempore, libera & contingens Dei actio, & quæ abesse à Deo potuisset, adeoq; non ipse Deus. Nec commodè potest dici, Deus est sua creatio. At quorum unum est æternum, alterum temporarium, ea realiter differunt. R. Quorum unum est æternum absolute & omni modo, alterum temporarium omni modo, & nullo modo æternum, ea differunt realiter. At de creatione non ita est. Passivè ea sumpta est in tempore, contingens; & ipsa creatura cum dependentiâ ad creatorem sumpta: sic non est Deus, sed omninò differt à DEO realiter; vel est primò diversa, ut alij loquuntur: est enim fundamentaliter in ipsâ creaturâ: V. Scheib. c. 1. n. 634. Activè sumpta sumitur vel absolute, sic est ipsa vis & essentia creans, ut volitio est ipsa vis & essentia volens, per modum actus significata; sic & æterna,



aeterna, & necessaria, & ipse Deus est: vel connotativè, sic  
 est essentia divina non absolutè, sed cum relatione ad crea-  
 turam sumpta. Quae relatio quia non est nova res in crea-  
 torem introducta, sed denominatio ex respectu & compara-  
 tione ad creaturam in creatore orta, V. t. 15. non importat  
 reale discrimen inter esse Dei & creare Dei, sed rationis, a-  
 deoq; veram mutationem inducere non potest. Et in isto di-  
 scrimine satis fundantur diversa ista prædicata de essentiâ  
 Dei & hoc respectu actionis ex creaturis importato, ut essen-  
 tia dicatur aeterna, necessaria, absoluta, ipse Deus: creatio  
 temporaria, libera, non ipse Deus, sed actus Dei ad externa  
 objecta terminata. Si regeras, impossibile & contradictoriū  
 esse, unum & eundem actum circa idem objectum spectatum  
 esse simul aeternum & temporarium, necessarium & contin-  
 gentem, finitum & infinitum, creatum & increatum, Deum  
 & non Deum, absolutum & respectivum. Nam hac sese mu-  
 tuatione evertere, cum Vorst: app. exeg. apolog: p. 198. Resp:  
 Impossibile esse id de eodem actu, eodem modo & ratione  
 spectato enuntiare. At accedente alio concipiendi & spectandi  
 modo, prorsus diverso à priori, non diversa modò, sed & con-  
 traria prædicata de eodē actu enuntiantur. Sic attributa Dei  
 à parte rei sunt ipsa essentia: & attributa à parte nostri forma-  
 lis conceptus non sunt ipsa essentia, sed aliquid velut ab eâ ema-  
 nans. Non sunt à rōis dīc, quia certis considerandi fundamentis  
 nituntur, ut ostendi disp. 4. t. 12. Sic de eodē actu solū, calefa-  
 ctione, contraria enuntio, mollire & durare, astringere & li-  
 quare. V. t. 24. Idē de creatione habendū. Creatio ad intra in i-  
 pso esse divino citra flexionē ad objecta externa absolutè spe-  
 ctata est ipsa essentia divina, necessaria, aeterna, absoluta: Ea-  
 dē ad extra ratione extensionis ad objecta creata spectata, non  
 est essentia Dei, sed aliquid per modū actionis transiens à Deo,  
 & in creaturâ receptū & terminatum: libera actus divini ad

objectum externum faciendum flexio, temporaria, respecti-  
va, & à termino dependentiam dicens. Hec determinatio in  
ipso actu divino mutabilitatem non dicit, sed indifferentiam:  
In objectis creatis, in quibus recipitur, mutabilitatem & es-  
sendi novitatem introducit. Sic ipsa creatio creatum quid  
dicitur non per modum facti, sed actionis ab ente increato de-  
pendentis, citra absurditatem. Quomodo effectus & opus &  
operatio, & ἐνέργεια & ἐργεία dicitur, V. Scheibl. c. l. n.  
630. Si omnino ratio hic contradictoria & inconsistentia fin-  
gat, fateamur potius intellectus humani etiam ad manifestis-  
sima penetranda stupiditatem, jam olim Aristoteli questibus  
egestam, 2. Metap. c. 1. quàm divina essentia & infiniti entis  
negemus aut labefacemus sublimitatem.

19. Excip: 4. Om: relatio realis est ens dependens à suo  
termino. E. si in Deo est ex creatione, imperatione, &c. rela-  
tio realis, erit in Deo aliquid dependens ab alio, quod imper-  
fectionem involvit. Nam Deus est ens simpliciter & omni-  
modè independens ab ullo alio. R: I. Ens dependens ab alio ut  
causâ, subjecto, tempore, & superiori, involvit imperfectio-  
nem, & in Deo nullo modo est: non à termino extrâ coexis-  
tente. Hoc nullam imperfectionem dicit, sed unius ad alte-  
rum comparisonem, qua ex se nec perfectionem dicit, nec im-  
perfectionem, sed indifferens est: perfectionem sumit ab fun-  
damento, in quo est. Quod quia in Deo est vis creativa &  
coërcitiva, qua infinita est, imperfectionem involvere non  
potest. V. th. 15. 2. Aliud est, Deum dici creatorem per ha-  
bitudinem ad creaturas, hoc nihil imperfecti habet: aliud,  
creationem ejus activè sumptam dependere à creaturis. Hoc  
falsum, & imperfectum. Sic aliud, Deum dici bonum in ha-  
bitudine ad creaturas: & absolutè bonitatem ejus depende-  
re à creaturis. Conf. Durelle. c. l. c. 7. p. 170.

20. Dices II. Deus generat ex essentiâ suâ filium sibi



*essentialem, de nostrâ fide, qui est idem Deus. E. mutatur*  
*Nam generatio est à non esse ad esse mutatio: R. Generatio*  
*est mutatio à non esse ad esse in ijs rebus, in quibus eam po-*  
*testatem verbum generare habere potest, qua nempe gene-*  
*rant cum motu, tempore, & mutatione. In ijs, quæ eam pote-*  
*statem habere non possunt, ut æterna & cælestia sunt, etiam*  
*generatio non præcisè est mutatio: sed ejusdem essentia alte-*  
*ri supposito ab generante facta communicatio. Hac est abstra-*  
*cta ratio, omni generationi, ut generatio est, competens: Al-*  
*tera specialior, generationi, ut talis & talis est, conveniens.*  
*Generatio divina est æterna, nec initium nec finem habens.*  
*Non ergo in illâ motus, mutatio, inceptio, desinitio, tempus,*  
*urgenda sunt. Verba ab humanis ad divina translata sepa-*  
*randa primum sunt ab omni imperfectione & impuritate,*  
*quibus in humanis subjacent, & tùm divinis applicanda, ut*  
*monent Philosophi. V. Cl. J. Mart. l. 2. Eloq. c. 51. D. Ke-*  
*sler. Log. Phot. præf. mem. 4. can. 1. Nec sequitur, si in*  
*uno membro vocis proprium & ex naturalibus sum-*  
*ptum significandi modum urgeamus, continuo & in*  
*altero id facere cogamur, quorsum nos redigere vult Crel-*  
*lius l. 2. d. un. Deof. 2. c. 3. Sic in voce substantia unam si-*  
*gnificati partem Deo tribuimus, quod per se subsistat, alteram*  
*negamus, quod substat accidentibus. Ut rectè Becanus p. 1.*  
*T. S. tr. 2. c. 3. q. 6. §. 3. 4. Imò sæpè prius alia fiunt vo-*  
*cum Philosophicarum significata in Theologiâ à Philosophi-*  
*cis, ut vox fidei, iustitiæ, & similia docent, ne ipsis Photinia-*  
*nis negantibus. Si urgeas, generatum esse, & ab æterno esse,*  
*contradicientia esse, nam generatum esse qualicunque modo,*  
*presupponere ante, cujus in æternitate locus non sit, cum Mo-*  
*scor. l. d. bap. p. 196. facilius responsio est. Generatum esse*  
*presupponit ante, sed pro naturâ generationis, vel ante ordi-*  
*nis & originis, vel ante temporis. Illud ante in divinis locum*

habet, quo pater dicitur ratione ordinis & originis prior filio, & filius essentiam à patre ut origine communicatam habere intelligitur: Hoc ne in naturalibus quidem locum habet. Nec enim pater vel momento temporis prior est filio, sed simul cum eo: etsi causâ, naturâ, & origine eo sit prior, ut rectè accurati Philosophi statuunt. Sed hac alibi amplius discutienda erunt.

21. Dices III. Deus filius in tempore est incarnatus, & incepit esse id, quod antea non fuit, nempe homo. Ergò verè mutatus est. Nam qui acquirit quod antea non habuit, vel incipit fieri, quod non erat, verè mutatur. R. 1. Qui acquirit aliquid, vel incipit fieri, quod antea nullo modo & ratione, habuit vel fuit, nisi in merâ potentiâ passivâ simpliciter, is propriè mutatur, per th. 15. Est enim mutatio Entis in potentiâ simpliciter: At Deus ante incarnationem non ita se habuit. Habuit enim hominem, i. e. rem & perfectionem naturæ humanæ virtualiter eminenter, i. e. in eminentissimâ vi, quâ posset & humanitatem quovis momento producere, & etiam sine illâ facere, quidquid illa perfectionis præstare posset. Ita quod antea habuit Deus eminenter, postea assumpsit formaliter, & ita verè non mutatus fuit. 2. Si contendas, & tùm rem dici mutari, cum, quod ante habuit virtute, postea acquirat actu & formalitate: ne sic quidem Deus verè mutatus est. Nam mutatio talis tùm fit, cum ita acquirit posterius, ut desinat esse prius. Sic v. g. mutatur aqua, cùm fit calida, & desinit esse frigida; cum fit vinum, & desinit esse aqua: Doctus, cùm fit eruditus, & desinit esse rudis. Idemq; est in cæteris veræ mutationis speciebus. At sic iterum non est in Deo. Deus enim non desinit esse persona divina, & fit persona humana: Sed manens quod est, de nostrâ fide in suam personalitatem humanam naturam assumit. Non fit Deus homo abolito subjecto, quod recipit esse humanum: Sed assu-



assumendo humanitatem ad esse persona præexistentis & permanentis. Non fit Deus homo; desinendo quod erat: Sed assumendo, quod non erat. Non conversione divinitatis in humanitatem, sed assumptione humanitatis in divinitatem, ut loquitur Symbolum Athanasij. Elegans est locus Augustini c. 2. d. dogm: Eccl: ap. Lombard. 3. sent. d. 7. lit. n. Deus hominem assumpsit, homo in Deum transiit, non naturæ versibilibitate, sed Dei dignatione. *Ut nec Deus mutaretur in humanam substantiam, assumendo hominem: nec homo in divinam, glorificatus in Deum: quia mutatio vel versibilitas naturæ diminutionem & abolitionem substantiæ facit.*

22. 3. Si ultra contendas, Verbum habere se longè aliter ad carnem post incarnationem, quàm ante eam, terminando nempe illam hypostaticè, atq; intumè ut partem totius sustentando, quod non fecit antea, E. reverà & in se mutatum esse. Resp: modum habendi se qualitercunq; ad aliam rem non verè mutare rem, nisi rem intrinsecè attingat, & ita attingendo eam variet & immutet. V. t. 15. Sic homo non verè mutatur, si alià veste induatur. Sic Deus non mutatur, si in tempore concurrat cum creaturis, cum quibus non concurrat ab æterno, quia concursus iste non est ab intra in Dei essentiam receptivus, sed ab extra ad objecta extrinsecùs existentia diffusivus & extensivus. Sic subsistentia assumpsit humanitatem, non unione essentiali, ut humanitas facta sit pars essentia divina, & essentia divina facta fuerit composita: sed assumptione personali, ut totum istud personale, Christus, jam ex divinitate & humanitate consistat. Est unio arctissima, intima, indistans, per circumincessionem totalem facta: interim non essentialis: & consequenter, additio humanitatis, quia non ad essentiam internā λόγῳ facta, sed unionem personæ & subsistentiæ, verè non mutavit λόγον, quicquid sit de mo-

do habendi diverso, qui non statim mutationem infert. Sic columna mihi fit dextra, sinistra, non mutat columnam, sed ambulante ad eam. V. t. 10. Sic Petrus sedens mihi fit dexter, sinister, superior, inferior, anterior, posterior: nihil in Petro mutat, sed ambulante ad ipsum sursum, deorsum, dextrorsum, sinistrorsum, antrorsum, retrorsum: Sic, substantia facta est assumens carnem, in carne facta est mutatio, quia illa modum aliquem intrinsecum sortita est, quem antea non habuit, supposititalitatem in DEO verbo: in substantiâ non, illa enim retinuit quod habuit: & quod habuit, ad aliud externum extendendo velut & in sese recipiendo, determinavit. Quae determinatio sine verâ & reali mutatione esse potest. Vide th. 24. Sic anima accedens corpori & intimè se ei uniens, non mutatur: sed ipsa corpus, cui accedit, mutat, eiq; vitam, sensum, motum, novasq; qualitates superinducit. Anima accedit ut perficiens, corpus ut perficiendū: hoc mutatur, non illa: sic substantia accedit ut perficiens, humanitas ut perficienda. Hac mutatur, non illa.

23. Dices IV. Dantur multa diversa decreta libera voluntatis in DEO, quae ita sunt in eo, ut possint non esse. Hoc enim de ratione actû liberi est, posse esse & non esse. Sic decretum creandi, eligendi, mundum redimendi, concurrendi, permittendi peccatum. Sæpè sunt contraria & de contrarijs rebus, ut decretum eligendi & reprobandi, salvandi & damnandi, evehendi & deprimendi, eripiendi & deserendi. Sæpè desinunt & incipiunt. Sic erat in Deo decretum extirpandi Iudaos, Exod. 32. v. 10. sed postea desinebat. V. 14. Decrevit olim Iudaos ex Ægypto liberare, in captivitatem Babylon: detrudere, inde eruere, mundum per Christum redimere, mundum creare. Quae omnia hodie desinunt, nam jam sunt actu producta. E. multa diversa sunt in Deo ab essentiâ divinâ, quibus ille variè immutari potest. R. Decreta Dei



ta Dei spectantur tripliciter. 1. Ab intra, ut notant principium decernens: Hoc est ipsa essentia divina per modum actus vitalis decernentis significata, ut de creatione dictum est. 18. Sic decretum Dei est Deus decernens, ut voluntas Dei est Deus volens, & intellectus Dei Deus intelligens. Sic decreta sunt necessaria, ut ipsa essentia: unica, sed quæ ob infinitatem essentia, cui equipollent, multis actibus creatis equivalere possunt, sunt enim infinita. At repugnat infinitum plus uno esse. Ita ergo decreta Dei, quæ nobis ad extra spectata videtur multiplicia & varia esse, non sunt ab intra in Deo multi & diversi actus, ut uno velut decernat creare mundum, altero redimere, tertio reprobare, prout in humanis actibus imperfectè se habentibus res est: sed unus & simplicissimus actus, qui quia infinitus, distincta objecta & contraria uno obtutu sibi sistere potest, ut & eligat & reprobet: & mundum creare & recreare & destruere statuatur: & Iudeos in captivitatem Babylonicam destrudere, & inde eripere concludat, &c. Sic essentia divina, quia infinita, potest multas hypostasises citra multiplicationem sui terminare: Et scientia Dei, quia infinita, potest uno simplici intuitu cognoscere & homines & bruta: & spiritualia & corporalia: & æterna & temporaria: nullis diversis actibus ad ea opus habet. Sic visus noster potest diversa imò & contraria objecta simul percipere, ut album nigrum, pulcrum, deforme, magnum, paruum, quiescens, motum, curvum, rectum, nullis diversis actibus ad ea percipienda in se opus habet.

24. 2. Decreta diu: spectantur ad extra & terminatiuè, ut ad objecta externa diversa flectuntur & terminantur. Hac flexio in Deo est actus libera voluntatis: & potest actus aliquis in se necessarius liberè se flectere ad hoc vel illud, assumendum vel reprobandum. Sic angelus necessariò intelligendi actum habet. Vt hoc vel illud intelligat, recipiendo ut verum: vel

vel reprobando, ut falsum, ex liberâ voluntate habet. Hac determinatio nullam mutationem infert, sed respectum ad terminũ q: extrâ coëxistentem, objectivè representatum. Per eandem analogiam, per quam de creatione dictum, th. 15. Non n. differt realiter à suo fundamento, in quo fundatur, cognitione divinâ, sed ut modus quidam superadditus. Hic modus & determinatio potest ratione objectorum, in qua fertur, diversa, multiplex, varia, adversa etiam esse: potest incipere & desinere, nullâ vel verâ mutatione ipsi essentia vel actui internè spectato illatâ: vel ipsâ essentiâ aut actui internè spectato multiplicato. Est n. hæc determinatio extrâ in objectis hoc modo terminata, & in illis mutationē inferre potest, non in DEO. Sic sol uno simplici actui, calefaciendo, & diversa & adversa effecta edere potest, ut mollire ceram, & durare lutum: resolvere butyrum & constringere lutum; incrassare & subtiliare, calefacere aquam frigidam, & frigesacere calidâ. Dicitur n. calida soli exposita citius frigescere, quàm in umbrâ. V. Aristotel: l. 24. probl. q. 13. nullâ vel varietate actus in sole spectati admittâ, vel mutatione soli illatâ. Sic sol in se non mutatur, si radios flectat vel determinet spargendo in pagum aut urbem de novo extructum, etsi in pago aut urbe sit mutatio. Ita decretum Dei potest extrâ se aliquò liberè flectere, in objecto mutatione positâ, non in DEO. Sic concursus Dei extendit se ad Petrum, nato Petro: mortuo eo desinit iste concursus. Nulla hinc mutatio in DEO, sed in Petro, qui vel natus, vel denatus intelligitur. Sic scientia Dei terminata fuit ad nativitatem Christi, tanquam futuram pro tali tempore, præsentem pro tali, præteritam pro tali. Scientia Dei mansit immota & immutabilis: Nativitas Christi per varietates temporum mutata fuit. Eodem modo hodiè ad eam terminatur, citra sui veram mutationem. Idem de terminatione decretorũ Dei ad diversa objecta ad extra habendũ.



*Si omnino hic mutatio videatur, rationis est, non rei: ex diversa terminatione ad varia objecta orta, non consilij divini internam variabilitate.*

25. Regerit Vorstius ad exemplum solis adductum, Sch. alex. Lubb. §. 20. p. 65. solis actum esse naturalem, decreta Dei voluntaria. Actum generalem & remotum solis esse unum, speciales & propinquos multos. Esse actus transeuntes à Sole in objecta, qui de nostra mente sint in patientibus, non agentibus. V. t. 17. ac proinde pro diversitate effectorum diversi. Decreta Dei esse actus immanentes. Sed hac parum incommodant. 1. Si actus naturalis & materialis in se unus potest diversa & contraria edere in diversis objectis, nullam sui admittam mutatione, magis id poterit voluntarius, qui & spiritualis est, & magis varius in agendo, & ad magis varia objecta se extendit, cum naturalia magis ad unum sint determinata. Maxime ergo id poterit actus voluntatis divinae, ut essentia simplicissima, perfectissima, & infinita, ut unitate sui multis distinctis effectibus satisfacere queat. 2. Sint actus speciales Solis varij: sed illi oriuntur ex diversitate objectorum, in qua diriguntur: in ipso sole sunt unus & simplex actus, sed qui virtutem plures & diversos producendi pro diversitate objectorum in se habet. Ita & actus decernendi in Deo est unus & simplicissimus: sed qui ob infinitatem potentiae & essentiae virtualiter eminenter plures & diversos continet, quos in diversis objectis producat, ad quos plures particulares actus, & agendi virtutes in rebus finitis requirerentur. Ut ergo Sol in se non mutatur, etiamsi contraria producat, ut mollire, durare; liquare, costringere, extendere, contrahere: Ita actus decreti divini est in se immutabilis, cū extendendo ad diversa objecta eligat, reprobet, evehat, evertat: attollat, deiciat, &c. Nam hi actus spectantur cum applicatione ad objecta, in quibus terminantur.

Et sic mutationem ipsi actui in se & DEO spectato inferre non possunt. Sic e. g. si quis è sublimi uno intuitu spectet quosdam montem ascendentes, quosdam descendentes, quosdam rectos, alios curvos incedentes, in ipso actu videndi nulla variatio aut contrarietas est, sed in contrarijs motibus ambulantium. Simile quid de actu decernendi in Deo cogitandum. 3. Sint actus Solis, induratio, liquefactio, &c. transeuntes, & in patientibus recepti: nil prohibet, in certo tertio à transeuntibus ad immanentes arguere, ex hypothesi imprimis adversarij, cum quo agas, qui urgeat, etiam actiones transientes esse in agentibus, tanquam actiones, quod urget Vorstius, V. t. 17. qui & maximè hoc argumentum de decretis Dei urget. V. t. 12. Ergò ut actus transiens in agente unus esse potest, ut tamen in patientibus sint varij, imò contrarij effectus, ut in sole patet: sic actus immanens unus esse potest, quà ad intra spectatur: ut in extensione & determinatione ad objecta, circa quæ versatur, magnas varietates admittat. Idem ergò circa decreta divina ad extra extensivè velut spectata contingere nihil miri est. Magis, quòd actus decernendi in DEO sit infinitus, & entis simplicissimi, qui multis effectibus essentie infinitate par esse potest: Solis actus in objecta finitus, & corporis ex materia & formà compositi.

26. 3. Decreta divina spectantur objectivè & velut concretè, prout notant ipsas res decretas. Ita varia, multiplicia, contraria, esse possunt, sed fundantur in creaturis, in quibus hoc modo terminantur. Nec ita præcisè sunt accidentia, ut Vorstius cum Photiniauis contendit, nam plurimæ res creatae sunt substantiæ. Ita mutari possunt, incipere, desinere, sed sunt in creaturis, in quibus mutationem dicent: non in Deo, ad quem hac ratione sumptæ non terminantur. Simile hic est in voce creationis, quæ sumitur & activè pro actu creandi, & passivè, pro re creatâ, ut communiter do-  
cent




cent Theologi. Idem de voce decretum, s. decretio, habendum, quæ & activè & passivè sumi potest. Illo modo est immutabilis & simplex actus: hoc variabilis, multiplex, & unus alteri succedens: sed imperfectio tùm est in creaturâ, quæ est res decreta.

27. Dices V. Deus ex non agente factus est in tempore agens. At agentem esse est vera res, Actio n. est vera res, s. jam sit substantia Dei, si ve accidens. Sed accedente re novâ ad aliquem, mutatur iste, cui res accedit. E. & Deus accedente ad eum creatione. R. Accedente re novâ ad rem & internè recepta in ipsam rem, cui accedit, verè mutatur res ista. Sic paries albus factus mutatur, quia albedo recipitur in ipsum: homo doctus factus mutatur, quia doctrina recipitur in ipsum hominem. At accedente re novâ, sed quæ in alio subjecto terminetur, non mutatur ista res, cui accedere dicitur. Sic ignis non mutatur, si ei accedat nova aqua, quam calefaciat; Quia calefactio recipitur in aquâ, quæ mutatur, non igni, à quo funditur in aliud subjectum. Sic & creatio est actio transiens, à Deo in creaturâ terminata, in quâ est mutatio, nam in hac actio creativa recipitur, non in Deo. V. t. 16. Dices VI. Quæ separari possunt, differunt realiter. Deum & creatorem esse separari possunt. Nā Deus ab æterno fuit Deus: creator cæpit esse in tempore. E. differunt realiter. At quæ differunt realiter, differunt ut res & res. E. & creatio differt ut vera res à Deo, ut verâ re. Et sic vera res illi accessit in tempore, quæ non fuit in ipso ab æterno, & consequenter mutatus fuit. R. I. Nego antecedens. Calor & gradus caloris ut 6. vel 7. separari possunt, nec tamen differunt realiter, sed modaliter saltem. Non n. gradus caloris est nova res à calore, sed eadem ipsa res, quæ calor est: tantum diversum modum dicit. Sic albedo & gradus intensus albedinis, frigus & gradus excellens frigoris separari possunt, & tamen non differunt, ut res

& res, sed ut res & rei modus. 2. Etiam si actio sit nova res Deo in tempore illata, non tamen verè mutavit Deum, quia non recipitur in ira illum, ut ad præcedentem objectionem est ostensum.

28. Dices VII. Deus in tempore capit fieri omnipræsens, cum non fuerit ab æterno. Est enim omnipræsentia attributum relativum, creaturas inferens, quibus præsens sit. Et sic accessit ei in tempore novum attributum, quod non fuit in eo ab æterno. E. mutatus est. R. Omnipræsentia rigide loquendo non est attributum Dei, omnia n. attributa Dei ab æterno in æternum sunt & manent, cum præsentia cæperit aliquando in Deo esse, & destructis omnibus creaturis, quib⁹ Deus præsens dicitur, iterum desitura sit esse: & attributa sunt immutabilia, gradus non habentia; præsentia DEI & mutatur interdum, & gradus admittit. Con. D. Gerh. ex. d. Deo §. 181. D. Mentz. c. Sadeei. d. com. idio. p. 58. T. 7. Gies. d. 24. c. 118. 119. Sed modus aliquis in attributo aliquo divino, immensitate vel infinitate fundatus, relationem propinquitatis substantiæ & operationem potentiæ ad res creatas dicens, in quibus terminatur. At relationes in extraneis objectis terminate possunt de novo rei accidere, citra veram mutationē. Modi n. & respectus non semper mutant, sed determinant. V. c. 15. Sic ignis in se non mutatur, si appositus alijs & alijs ollis calorē in aquam incipiat fundere, in quam antea cum non fundebat, sed in aquā est mutatio. Sic sol non mutatur, si radios mittat in Constantinopolim aut Romam de novo extructam: sed nova velut ad objecta de novo facta extensio, relatio & denominatio soli adicitur, citra realem in eo mutationē. V. c. 24. Idem de Dei omnipræsentia ad creata habendum. Est nova velut ad objecta de novo facta divina essentie extensio & approximatio, quæ in Deo citra mutationem est, in creatis mutationem factam esse præsupponit. Cetera in discursu.



itini  
ere  
and  
re.  
li-  
tar  
are,  
  
no-  
r h  
pe-  
-



